

Zhalchad Some Nanja Khagcan Min Tan Tshigs Gun.

1 ¹ *Kayin* (Yohanan 1 3:12; ibripa 11:4; Yuda 1:11) Kayin ni Adam tan hawe gome tugubo inpin. Konchog khoe chodpa san khoe no Abelli chodpa thugsthadda dzad pasan, khoa tshigces yonste Abel saddans. Teboephia khoa Konchoggi chogsne nan phog.

² *Kenan* (Madtha 15:22; chaglasgun 7:11; chaglasgun 13:19) Kenan ni Konchoggi Israelpagunla salla dzadcessi zhalchad dzadkanni te nasse minboa zerranog. Dagsa te nassaboa Israel zerranog.

³ *Konchoggi chodkhan* Konchoggi chodkhanja Yahudape chodkhanjan zerranog. Yahudapagunni chodkhan ni Israelli gyalsa Yerushalemmi nanja yodpin. Tebo gyalpo Solomoni tusla stsigste inpin. Sjunla Israelpagun ristonji nanja yod zane dampa calag, kagun Konchog naste yodkanni kurri nanja borradpin. Stijne chodkhan stsig tsharradan, te dampa calagun chodkhanji nanja khyonste bors. Tenepharla te chodkhanbo Yahudapagunni Konchogga chodpa tan sogchod phulcessi nassabo gyur. Sonpasan tuschen khagcangun stsi zane Yahudapagun Yerushalemma Konchogga sogchod phullala chadpin. Yan te chodkhanbo chossi labzha tances tan dosdur gun cose nassaboa inpin.

⁴ *Konchoggi gyalid tan namkhe gyalid* Konchoggi gyalid tan namkhe gyalid donbo ni Konchog tan khonji migunni parla del yodkanbo innog. Konchog ni gyalpo tsogs innog, ciazerna khonji khonranji migun skyobste gosdom tshanma salin, lamstan dzadin wanşulla dzaddanog. Konchogga idshes coste kanyankangun ni Konchoggi gyalid migun innog. Nam Yeshu Mashika jigstennika skyods, Konchoggi gyalidpo soma tshulzhiggi nanja thon, ciazerna Yeshu mashike migunla soma delzhiggi nanja Konchog nyampo mitshe phudcesla gho pheadzads.

⁵ *Konchog naste yodkanni kur*

Lo manpoe sjunla, Israelpagun ristonji nanja khor zane, Konchoggi Mozes gyudte migunla dampa kurzhiq stsemcesla mols, kaboe tshanmesan dampa nasse nanja khongunni chaddonni ghambo borradpin. Tedussi Israelpagunni te kurri dunla yonste colin, Konchogga lamagun gyudte, chodpagun phulladpin. (Chaddonni ghammi skorla Griiskanboe nanja zigs).

⁶ **Konchoggi** *as*

Zhalchad some nanja Yeshu Mashika Konchoggi sas molte dug. Konchoggi sas dicespoe Konchog manpozhiq yodte innog sam magos, ciazerna sunrabssi nanja dia dzadte dug, Konchog cigcig zhugste in. Konchogga thama ya gozug medpa tusgyun zhugste innog. Khoŋŋi dzambuliŋ taŋ tenanja yodkan tshaŋma dzadte in. Sunrabssi nanja tezug denba rig molte yodte innog, innaŋ tegun hagogesla ma kagspo chanog. Sperna, Konchog yab, Konchog sassi nanja, Konchog sas Konchog yabbi nanja, yaŋ dampe thugnyid khoŋ nyiskoe nanja zhugs pasaŋ Konchog cigcig in molkanbo danpo innog. Konchoggi sas, Yeshu Mashika molkanbo mii tshulla ltams. (Yohanan 1:1,14,15) Yeshui Konchogga zhalsa salin khoŋŋa abale, yaŋ Konchoggi Yeshua butsha mols. Sunrabssi nanzhin Konchog sas, yab Konchog tsogsla tusgyun zhugste thama ya gozug medpa yaŋ khoŋgunla khyuddaŋ danŋaa yodte innog. Innaŋ sassi khoŋraŋ yab Konchoggi yogga borra dzads, nam khoŋ i jigstennika khoŋraŋŋi yabbi thugsdod nanzhin sdigcangunni phia donssa skyods. (Yeshu taŋ skyabgon gunni skorla Griiskanboa zigs).

⁷ **Konchoggi** *lugu*

(Yohanan 1:29,36) Konchoggi Yahudapagunla Mozes gyudte salkanni thims nanzhin, Konchoggi khoŋgunni sdigpagunla shagspa dzadcessi phia lugubo sogchodla phulladpin. Ciazerna Konchoggi, "Lugu sadte thag biŋkanbo khoŋgunni sdigpe tshabs, yaŋ te mibo Konchoggi dunla skabsstogszhiggi phia stsaŋma gyurte in" molla dzads. Yeshua Konchoggi lugu molla dzads ciazerna khoŋŋi khoŋraŋŋi sogpo nanaŋŋi sdigpagunla shagspa thobcesla chodpa phullad dzads.

⁸ **kyanŋshin**

Rompe waŋsulpagunni lugsol nanzhin thimscagkangunla chadpa taŋste sadcesla ŋkyanŋshinŋika ŋkyanŋadpin. I chadpabo mi sadkan taŋ jagpa nanpa gunla taŋadpin.

Kha

⁹ **Gidion**

(Ibripa 11:32) Israelpe gyalpogunni Kenan yulli nanja waŋsul gozuggi saŋ sŋunla, Gidion zerkanbo khoŋŋi uskyoŋgunni nanje cigcig inpin. Khoa Konchoggi nanja maŋagpo tatpa yodpa, khoŋŋa lamston dzadcesla moslam zhus. Khoe Israelpagun maggi nanja thid zane magmi manyuŋun mane mednaŋ, khoŋgunni daogunla phamkals, ciazerna Konchoggi khoŋgunla rogs dzads.

¹⁰ ***Fhallenkan***

Yeshui tusla thallenkangunni Rompagunni phia las coadpin. Khoᅅgun Yahudapa in innaj Rompagunla rogs coste waᅅ nyampo Yahudapagunla Rompe magmia pene thal shalcuggadpin. Teboephia Yahudapagunni khoᅅgunla naphrad coste sdigcan theadpin. Lan maᅅpo khoᅅgunni Yahudapagunni kane thalli saᅅ theba pene lennadpin.

¹¹ ***Thuslences***

Thuslenkanni miboe, raᅅᅅi cokanni sdigpagunnika gyodpa skyeste sdigpagunla shagspa salkanni Yeshu mashikeka tatpa khyoᅅste, khoᅅᅅa ᅅaᅅste khoᅅᅅi kanyancessi spaᅅpo taᅅᅅanog. Suᅅrabssi naᅅᅅa molte yodte innog, thuslenni tus, ᅅadaᅅ chui naᅅkugga subcespo, Yeshu nyampo shikanni stags yaᅅ chui naᅅᅅe biᅅᅅacig, Yeshu nyampo mitshe somazhiggi naᅅᅅa sontea laᅅshessi stags innog.

¹² ***Thims***

Konchoggi thimspo ni zhalchad snyiᅅpe gome specha ᅅᅅe naᅅᅅa Griiste yodte innog. Tegunni naᅅᅅa, Konchoggi khoᅅraᅅᅅi migunni phanthogssi phia Mozesla sᅅonocugkanni thimsgun yaᅅ mirgyud tshaᅅma taᅅ Israelli sᅅonrabssaᅅ Griiste yodte innog. Skutshabs Paului mols, Konchoggi ᅅadaᅅᅅa ᅅadaᅅgun sdigcan inkanbo stancesi phia thimsgun salla dzads.

¹³ ***Thimskhuᅅ***

Thimskhuᅅ ni koᅅla zerranog.

Ga¹⁴ ***Gamoe nastshul***

Migunni phia Konchoggi zhulonboa gamoe nastshul zerranog. I lonbo Konchoggi khoᅅraᅅᅅi ᅅas, Yeshu Mashika, i jigstenpagun, khoᅅgunni cokanni sdigpe chadpa phogcespoe kane skyobcesla kalla dzads. Yaᅅ Yeshu Tsoo inkanboa tatpa coces gyudte, Konchoggi ᅅugu gyurcugeslaᅅ kalla dzads.

Cha¹⁵ ***Chaddon***

(Chaddon snyiᅅpa: Luka 1:72; chaglasgun 3:25, 7:8; galatiya 3:17; ibripa 9:1, chaddon soma: Madtha 26:28; Markus 14:24; Luka 22:20; Rompa 11:27, Korinthipa 1 11:25; Korinthipa 2 3:14 ibripa 7:22, 8:6 ne 13, 9:15, 10:16, 29, 12:24, 13:20) sde nyissi parla khachams chacespoa chaddon zerranog. Chaddonni

sde nyissi naŋŋa yodkanni ɗel taŋ las rig cocessi khachad gun shaddanog. Konchoggi chaddonni naŋŋa Konchog khorraŋ migunni yab taŋ Tsoo inkan, yaŋ migunni khorŋa cessa coste kanyangoshes, kanyankangunla cinlabs ya khaa manyankangunla chadpa phogin molla dzads. Tene chaddon some naŋŋa Konchoggi yoŋcescanni tussi naŋŋa khorraŋŋi thugnyid khorŋi migunni naŋŋa nasshessi zhalchad dzads.

¹⁶ ***Chaddonni gham***

(Ibriipa 9:4, yoŋcescanni tussi luŋstan 11:19) i ghambo shiŋŋi gham serri tumskanzhig inpin, kaboe naŋŋa Konchoggi rdoa lebleb nyissika ɗia dzadkanni kagya rcu taŋ zhanyaŋ dampa calaggun borradpin. Gham taŋ tenaŋkugga yodkanbo ma dampa inpin, ciazerna tebo Konchoggi Israelpagun nyampo chaddon dzadkanboe stags inpin.

Ristoŋŋi naŋŋa besla yod zane, khorŋunni te ghambo nyampo khurte khyerradpin, yaŋ ɗul maɗul zane tebo, Konchog naste yodkanni kurboe naŋŋa borradpin. Yerushalemmi naŋŋa chodkhaŋ stsigste stiŋne, teboe tshaŋmesaŋ dampa nassaboe naŋŋa te ghambo bors.

Chosthimsla khaspagun

Khorŋun ni pharushipe sde khagcig innog.

Da

¹⁷ ***Dabid***

Dabid ni Israelpagunni tshaŋmesaŋ tagpo gyalpobo inpin. Kho Yishe butshaa tshaŋmesaŋ chuŋunbo inpin. Gyalpo gyurri saŋ sŋunla khoe khorraŋŋi abe luggun ni stastog coadpin. Khyogtoŋ zhunnu yoddi tusla, khoe magmi zugspo ma chenmo yodkan taŋ shedcanzhig yugrdo taŋste sads, yaŋ Israelpagunla gyalkhaa chenmozhig thobcugs.

Dabiddi Konchogga cessa maŋaŋte cospa, Konchogga stodpa phulcessi phia suŋgurri specha naŋne stodlu maŋpozhiŋ khoe Griiste inpin.

Yeshu ni gyalpo Dabiddi phorgyud inpin (Rompa 1:3, yoŋcescanni tussi luŋstan 22:16). Kazuggi tus maŋpoe sŋunla, luŋstonpagunni Konchoggi kalla dzadcessi skyabgon Mashika ni Dabiddi phorgyud innog ɗia dzads.

¹⁸ ***Dampe thugnyid***

Dampe thugnyid ni Konchog innog. Innaŋ ŋadaŋŋi Tsoo Yeshu mashike yab Konchog taŋ Konchoggi ŋas, Yeshu Mashika, gunni saŋ soso innog. Yeshu

mashike nan̄a tatpa cokangunla denbabo s̄oncuḡces, lam stances, yaŋ Konchoggi thugsthadkan conyancesla, yab Konchog taŋ Tsoo Yeshui tegunni nan̄a dampe thugnyid kalla dzads. (Konchoggi s̄assi skorla Griiskanboan̄ zigs).

¹⁹ **Sdigpa**

(Rompa 3:9 ne 20, 6:23) Konchoggi kagya taŋ thuggoŋs gunni gyabgal cocespoa sdigpa zerranog. Chuŋunzhig in̄o ya chenmozhiḡ, Konchoggi phia tebo sdigpa innog.

Na

²⁰ **Naaman**

(Luka 4:27) Yahudapa mankan Naaman siriye nan̄a dugkan magmi sponbozhig inpin. Khoa dzenad yoŋste yodpin. Luŋstonpa elishe skorla tshorracig, kho khoran̄ji nadpo phancuḡcesla khoŋ yodsa soŋ. Elishe khoa Yordan ltsan̄spoe nan̄a lan rdun chua zhugcesla mols. Khoe khoŋji kanyan pasan̄ zumobo siŋ gyalte medkan soŋ.

²¹ **Ninewa**

(Madtha 12:41; Luka 11:30,32) ninewa tenna gyalsabo innog, karu Konchoggi luŋstonpa Yona gyudte chadpa salte khoŋgun medkan coin molte lon kalla dzads. Lonbo tshorracig, ninewapagunni gyodpa coste ŋus pasan̄, Konchoggi khoŋgunla shagspa salla dzads.

²² **Noa**

(Madtha 24:37,38; Luka 3:36; 17:26,27; ibripa 11:7, Pitar taŋpo 3:20; Pitar nyispa 2:5) Noae skorla gozug zerkanni speche nan̄a Griiste yodte innog. Tedusla jigstenpa tshan̄ma ma ŋanpa yod pasan̄, Konchoggi chulog chenmozhiḡ kalte jigstenpagun medkan cocesla thimscadda dzads. Noa mi dan̄pozhiḡ in pasan̄, Konchoggi khoe nan̄tshan̄s taŋ semscanni rigs tshan̄ma skyobcessi phia khoa tuziŋ ma chenmozhiḡ cocesla ldamma dzads.

²³ **Norskal**

Aba shite stiŋne t̄ugugunla abe norri skalla thobkanboa norskal zerranog

Pa

²⁴ **Pilatu**

Yeshui chos salli tusla, Pilatu ni yahude yulli naŋŋa waŋŋulpa Rommi kalon inpin. Khoe Yahudape uskyoŋgun thadcugste Yeshu ŋkyanŋshiŋŋa ŋkyanŋste sadcesla ka taŋste inpin.

²⁵ ***Pesaggi tuschen***

(Madtha 26:2, 5, 18, 19; yaŋ maŋpo) pesag ni Yahudapagunni ma khagcan tuschenzhig innog. Pesaggi donbo ni nod maskyalla chacespoa zerranog. Itusla Yahudapagunni lo maŋpoe sŋunla khoŋgun Ijibbi tsheyogne budkanbo idtu coanog. Konchoggi molkan naŋzhin khoŋŋi lugu sadkanni thagpo ghoeka skusna, te tshanla ŋugu sadin yodkanni Konchoggi phonyabo khoŋgunni khampe naŋŋa miyoŋ. Innaŋ ghoeka thag maskukanni Ijibpagunni khampe naŋŋa soŋte gome ŋugugun sads. Tedusne pharla, Yahudapagunni i tuschenbo lugu sadte sha ŋagste zen stsiadpin.

Pha

²⁶ ***Pharushipagun***

Yeshui tusla pharushipagun Yahudape ma khagcan chossi sdezhiŋ inpin, kagunni Yeshua gyabgal ŋante coadpin. Khoŋ tshaŋmala Mozessi thimsgun shessadpin. Innaŋ khacig te chosthimsgunni naŋŋa ma khaspa yodpin. Khoŋgunni Yahudapagunla Mozessi thimsgun nyampo yaŋ migunni cokanni lam lugŋol maŋpozhiŋ ŋuŋgos zerte labbadpin.

²⁷ ***Phero***

(Chaglasgun 7:10, 13, 21; Rompa 9:17, ibripa 11:24) Ijibbi gyalpo tshaŋmala Phero zerte miŋŋa boddanog.

²⁸ ***Phonya***

(Chaglasgun 12:6 ne 11; 27:23, ibripa 1:14) phonya sna nyis yodte innog, Konchoggi kanyankan yaŋ Konchogga ŋolog cokan. Konchoggi khoŋraŋŋi chaglasgun dzadcessi phia khoŋraŋŋi phonyagun kalla dzaddanog. Konchoggi migunla stastog dzadcessi khagpo khoŋgunla kalla dzadte innog. Parriga khoŋŋi phonyagun gyudte, khagcan longun migunla kalla dzaddanog. (Madtha 28:5, 6, 7; Luka 1:30).

Ba

²⁹ ***Babelon***

(Madtha 1:11, 12; chaglasgun 7:43) Babelon ni sjunme tussi miñcan gyalsazhig innog. Te gyalse gyalpoe, Israelpagunla nols yañ phamkalte migun khoranji yulla tsheyog cocesla thidte khyers. Israelpagun teru lo 70 duggoste inpin. Yañ yoñcescanni tussi luñstanni speche nañña Babelonbo Rommi gyalse tshabsla kolte dug, ciazerna te gyalse nañña dugkanni migunni Konchogga snañña tañña medpin.

³⁰ **Barag**

(Ibripa 11:32) Israelpe gyalpogunni Kenan yulli nañña wañsul gozuggi sañ sjunla, Barag zerkanbo khongunni uskyongunni nañne cigcig inpin. Khoe Israelpagun maggi nañña thids yañ khonji ðaogunla phamkals.

³¹ **Baal**

(Rompa 11:4) Baal ni zusme Konchogshig innog. Israelpagun Kenanni yulla lebbi sañ sjunla teru dugkan migunni Baal zerkanni skunðaboa colladpin. Teru lebte stiñne Israelpe Mirabs khaciggiañ Konchoggi tshabsla Baalli skunðaboa cols, teboe zhaste Konchogga khongunnika thugsso skyods.

³² **Balaam**

(Pitarri chagdis nyispa 2:15; Yuda 1:11; yoñcescanni tussi luñstan 2:14) Balaam ni luñstonpazhig inpin, kabo pene dodpa yodcespoe, Israelpe ðao, gyalpo Balaggi chogs coste, Israelpagunla sdigpe tshodlte nañña budcugs.

³³ **Benyamin**

(Chaglasgun 13:21; Rompa 11:1, Philipi 3:5; yoñcescanni tussi luñstan 7:8) Benyamin Yakobbi ðugu rcugnyissi nañne cig inpin. Teboephia kho Yahudapoe mirigs rcugnyissi nañne ciggi phamespo innog.

³⁴ **Belzebul**

(Madtha 10:25, 12:24, 27; Markus 3:22; Luka 11:15,18,19) Belzebul ni rdudgunni gobe miñña zerranog. Khoa shetannañ zerranog. Khoe Konchogga gyabgal coanog, yañ Konchoggi migunla sdigpe nañña gyalcugcessi stsonðus coste khongunla ñanpa costog zerte skyon kallanog.

Ma

³⁵ **Mashika**

Mashike ton ni, mizhiggi goeka marnag lugste skoa dzadcespo innog. Tus mañpoe sjunla nam Konchoggi Israelpagunni phia gyalpo ldamma dzads, lame te miboe goeka marnag lugste kho gyalpo ldamskanboe stags stannadpin. Konchoggi

khoŋraŋŋi migun skyobcessi phia kalcesla zhalchad dzadkanboa, Mashika molla dzads, ciazerna khoŋŋi kho ldamma dzadte kalla dzadkanbo stannanog.

³⁶ **Manna**

(Yohanan 6:31, 49, 58; ibripa 9:4, yoŋcescanni tussi luŋstan 2:17) Ijibne biŋte stiŋne Israelpagun ristoŋŋi naŋŋa lo 40 khorin dug zane, Konchoggi khoŋgunla halasshessi dzadpa dzadte kharji manna zerkanbo salla dzads. Tebo shabbaddi ŋaltshoe zhag cigpo manpa, zhagdaŋ Konchoggi chogsne seka babssadpin.

³⁷ **Mirigssibu**

Tus maŋpoe sŋunla, luŋstonpa Daniella yoŋcessi tussi naŋŋa cuŋcessi zhalzigsshig thoŋ, kaboe naŋŋa mizhig namkane ŋinnika waŋ taŋ shed nyampo babsin, Konchoggi skundunla skyodpa gyalpoe tshulla tusgyun waŋŋsulcessi phia Konchoggi khoŋŋa mi taŋ mirigs tshaŋmeka waŋchaa sals. Daniella i mi thoŋkanbo su in gyusmed pasaŋ, khoe namkane skyodnaŋ ibo "Mirigssibu" tsogs thoŋdug Griis. Zhalchad some naŋŋa Yeshui lan maŋpo khoŋraŋŋa mirigssibu molla dzaddug. Tezug molcesne khoŋŋi Daniella thoŋkanni te mibo, khoŋ zhugste inkanbo sŋon cugga dzads.

³⁸ **Mir**

(Madtha 2:11; Markus 15:23; Yohanan 19:39; yoŋcescanni tussi luŋstan 18:13) mir ni ma rincan ŋizhim ŋarmocanni zasshig innog. Yahudapagunni ibo smanzhiggi tshulla kolladpin, kaboe thuŋkanboa nyidyoŋcugs pasaŋ, khoa zumoe bardobo tshorra medpin. Yaŋ ro subcesla ɗaldig co zane skuadpin.

³⁹ **Miryam**

Zhalchad some naŋŋa bumo khaciggi miŋ Miryam yodte innog.

1. Miryam Yeshui ama.
2. Yeshui rdud rdun biŋŋa dzadkanni Magdallenma Miryam, kabo Yeshu lobtuŋ gyurte inpin. (Madtha 27:55,56; Markus 16:9; Luka 8:2; Yohanan 20:1,2; 11:1 ne 18:35; yaŋ maŋpo)
3. Bedthanipa Miryam ni, Lazarrassi ŋiŋmo taŋ marthe nomo inpin. Khoe Yeshui zhabssi dunla dugste khoŋŋi labzhagun nyannadpin. (Luka 10:38 ne 42; Yohanan 11:1 ne 5; Yohanan 12:1 ne 7)
4. Yakob taŋ Yosebba ama Miryam. (Madtha 27:56; Markus 15:40, 16:1; Luka 24:10)
5. Markus zerkan Yohananni ama Miryam. Yerushalemmi gyalse naŋŋa Yeshui lobtuŋgun khoe khaŋpe naŋŋa dzommadpin. (Chaglasgun 12:12)

⁴⁰ **Melkizedeg**

(Ibripa 5:6 ne 10, 6:20; 7:1 ne 17) n̄adaŋgunla ibripa taŋ gozuggi specha cigpoe naŋŋa mane Melkizedeggi skorla silcesla thobba midug, tegunni naŋŋa khoŋ ni, Konchoggi ldamma dzadkan lama in molte dug. Abrahammi maggi stiŋne zumste khyerkan khoranŋi tshao skyobste khyoŋ zane, khoa Melkizedeg lamma thug. Melkizedeggi Abrahamma tagi taŋ chaŋ taŋste khoa Konchoggi cinlabs chadmed thobcesla moslam zhus, yaŋ Abrahammi maggi naŋŋa thobkanni norgunni naŋne rcukhagpo Melkizedegga phuls.

Zhan lamagun tsogsla Melkizedeg ni Israelpa Livi zerkanni mirigsne manpin, kagun Abrahammi phorgyud innog. Melkizedeg ni, te lamagunni saŋ taggazhig inpin.

⁴¹ **Mozes**

Mozes ni Israelpagunni uskyoŋ tagpozihig inpin. Israelpagun Ijibbi naŋŋa tsheyogga yod zane Konchoggi Mozes khoŋgun tenaŋne phiŋces taŋ thidte khoŋŋi zhalchad dzadkanni nassa khyercesla ldamma dzads. Konchoggi Mozes gyudte, halasshessi dzadpa maŋpo stances yaŋ Israelpagunni phia khoŋŋi thimsgun salla dzads. Mozessi zhalchad snyiŋpe gome specha ŋjabo dia dzadte innog.

Tsa

⁴² **Stsaŋma**

Yahudapagunni phia stsaŋme donbo ni mizhig thimssi thogne lagmo yoŋgospo innog, kaboe khoa zhanmagun nyampo Konchogga col chogssadpin. Sperna stsaŋma mankangun ni, zaa michogcessi kharji zakangun, dzenad yoŋkangun, roa lagpa stsekangun, tuŋu jorkan taŋ zugspozhigkanni bumo gun inpin.

Tsha

⁴³ **Tshogsdu**

(Madtha 26:59 Markus 14:55, 15:1; Luka 22:66; Yohanan 11:47; chaglasgun 4:15, 5:21, 6:12, 22:30, 23:1, 24:20) Yahudape tshogsdui naŋŋa Yahudape mi khagcan rduncudonnyis thusmi tshulla yoŋŋadpin. Lama chenmo tegunni uskyoŋbo inpin. Yesu inna tshogsdui dunla khyoŋŋacig, innagunni khoŋ shigos zers.

⁴⁴ **Tshodlta**

Mizhiggi, ñanpa ya cogoshes mantean mizhigga lasshig cocugna, teboa tshodltaces zerranog.

Dza

⁴⁵ *Dzomspo*

Dzomspo donbo ni cisathogne skyonmed yañ teboa tesañ gyaspazhig conyanna manog. Sperna Yesu ni dzomspo lama chenmo (Ibripa 5:9) tañ şogchodbo (Ibripa 9:14) innog. Yañ namkhaa ni dzomspo chodkhañ innog (Ibripa 9:11,12)

Za

⁴⁶ *Ziyon*

(Madtha 21:5; Yohanan 12:15; Rompa 9:33, 11:26, Pitar tañpo 2:6) Ziyonni ri tañ nyekhorri nasseka Yerushalemmi gyalsa tshugste yodte innog. Yerushalemmi nañña dugkangun yañ parriga Konchog zhugskanni namkhaboañ Ziyon zerradpin (Ibripa 12:22, yoñcescanni tussi luñstan 14:1).

⁴⁷ *Zeyus*

(Chaglasgun 14:12) Zeyus ni Griispagunni colkanni Konchoggunni goba inpin.

Ya

⁴⁸ *Yahuda*

(Madtha 1:2 ne 3, ibripa 7:14, 8:8, yoñcescanni tussi luñstan 5:5, 7:5) Yahuda ni Yakobbi butsha rcugnyispoe nañne cig inpin. Kho ni Yahuda zerkanni mirigspe phamespo yañ khoe phorgyudgun Yahuda zerkanni yulkhagpoe nañña tshugste dug. Yerushalemmi gyalsabo yahude yuljoñssi nañña yodpin. Mashika Yesu tenna gyudzinne inpin, khoñ yahude yuljoñssi Bedlehem ðoñkhyerri nañña sku ltams.

⁴⁹ *Yishe*

(Madtha 1:5,6; Luka 3:32; chaglasgun 13:22; Rompa 15:12) Yishe ni gyalpo Dabiddi aba inpin, kabo Yesu mashike phamespo inpin. Zhalchad snyinpe nañña luñstonpa yeshaye, "Mashika ni Yishe tañ Dabid gunni phorgyudne cuñin" ðiadzadte dug (Dabiddi skorla ðikanboa zigs).

⁵⁰ *Yephthaa*

(Ibriipa 11:32) Israelpe gyalpogunni Kenan yulli nan̄a waṅsul gozuggi saṅ sṅunla, Yephthaa ni magmi tagpozhiḡ inpin, yaṅ maggi nan̄a Israelpagunni gothid coste khoe khoṅgun ḡaoe kane skyobste inpin.

⁵¹ **Yeremya**

(Madtha 2:17, 16:14, 27:9) Yeremya ni Konchoggi luṅstonpazhiḡ inpin. Konchoggi ka shadcespoe khoa maṣante nagsbardogun thoṅte inpin. Khoe Tsoo Yeshu Mashika skyodcessi skorla luṅstan maṅpo sals.

⁵² **Yeshya**

(Madtha 3:3; chaglasgun 8:30, Rompa 9:27 ne 29) Yeshya ni Konchoggi luṅstonpa tagpozhiḡ inpin. Yeshu Mashika jigstennika skyoddi saṅ tus maṅpoe sṅunla yeshaye khoṅṅi skorla luṅstan maṅpo salte inpin.

⁵³ **Yeshu**

Yeshui miṅṅi donbo ni "Skyabgon" ya "Konchog ṅati skyabgon" zerranog. Miryammi ṅugua Konchoggi chosne i miṅbo sals, ciazerna khoṅṅi migun sdigpe kane skyobba dzadces inpin. (Madtha 1:21).

⁵⁴ **Yoshua**

(Chaglasgun 7:45; ibriipa 4:8) Mozes ḡoṅste stiṅne, Yoshua Israelpagunni uskyoṅ gyur. Yaṅ khoe khoṅgun Konchoggi zhalchad dzadkanni nassa Kenan zerse nan̄a thids. Khoṅgunni te nasse nan̄a dugkangun nyampo nols yaṅ phamkals. Testiṅne Yoshuae, te nassabo Israelpe mirigs tshaṅme nan̄a gos, Livipagun cigpo mataṅs, kabo lamagun inpin. Yoshua uskyoṅ tagpozhiḡ inpin, yaṅ khoe snyiṅ gaṅpo nyampo Konchogga ḡaṅshesla spospa taṅs, khoe mols, "Ḋa taṅ ṅe phorgyudgun Konchogga ḡaṅssad."

⁵⁵ **Yoseb**

Zhalchad some nan̄a mi khaciggi miṅ Yoseb yodpin-

1. Yakobbi butsha rcugnyissi nan̄e cigga Yoseb zerradpin. Benyamin taṅ Yosebbi ama cigcig inpin (Chaglasgun 7:9 ne 14, Yohanan 4:5, ibriipa 11:21,22 yoṅcescanni tussi luṅstan 7:8)

2. Yeshu mashike ama Miryammi magpa Yoseb (Madtha 1:16, 18 ne 20, 24, 2:13 ne 19, Luka 1:27, 2:4,16,33,43, 3:23, 4:22, Yohanan 1:45, 6:42)

3. Yeshu mashike no Yoseb (Madtha 13:55, Markus 6:3)

4. Yakobbi aco Yoseb (Madtha 27:56, Markus 15:40,47)

5. Arimathapa Yoseb, kho ni Yahudape tshogsdui thusmi chugpo, mi zanpo taŋ Yeshu mashike lobtugzhig inpin (Madtha 27:57 ne 60, Markus 15:42 ne 46, Luka 23:50 ne 53, Yohanan 19:38 ne 42)

6. Yoseb barsabam, sŋunne parla kho Yeshu mashike lobtugzhig inpin. Yeshua ŋolog cokan Yuda karyodpe tshabs ldamcesla kho taŋ Madthiyassi parla gyan gyabspa Madthiyas miŋbo biŋ (Chaglasgun 1:23)

7. Yoseb Paului topa, khoa maŋchea Barnabas zerradpin (Chaglasgun 4:36)

⁵⁶ **Yona**

(Madtha 12:39 ne 41, 16:4; Luka 11:29 ne 32) Yona ni Konchoggi luŋstonpazhig inpin. Konchoggi ninewapagunla gyodpa cocesla kho nyampo lon kal zane, khoe khoŋŋi ka manyanna shar chogsla yodkanni ninewaa macha, nub chogsla tuziŋzhiggi naŋŋa zhonte soŋ. Konchoggi luŋrag chenmozhig kalla dzad pasaŋ, ɖaziŋŋi naŋŋa yodkanni migunla Konchog yoneka thugsso skyodkanbo hago. Khoŋgunni kho chui naŋŋa phaŋs. Nya ma chenmozhiggi Yonaa smid taŋs. Nyaboe skyugste kho seka phaŋphaŋ tshagpa zhagma sum kho nye ɖodpe naŋŋa lus. Te stiŋne khoe Konchoggi kanyans yaŋ ninewa soŋte Konchoggi lonbo shads.

⁵⁷ **Yohanan**

Zhalchad some naŋŋa Yohanan khaciggi miŋ yodte innog. Tshaŋmesaŋ khagcan nyis ni

1. Thussalkan Yohanan ni Yeshui phia lam ɖaldig cokanni luŋstonpa inpin. Khoŋŋi Eliya tsogsla migunla raŋŋi sdigpeka gyodpa coste Konchog chogsla sems gyurcesla spaŋ puddadpin.

2. Skutshabs Yohanan ni Yakobbi no, yaŋ Yeshui skutshabs rcugnyissi naŋne cig inpin. Khoŋŋi Yohananni gamoe nastshul, Yohananni chagɖis taŋpo, nyispa, sumpa taŋ yoŋcescanni tussi luŋstanni specha gun ɖia dzadte innog.

⁵⁸ **Yerushalem**

Gyalpo Dabiddi tusne Tsoo Yeshui tus tshogpa Yerushalem Israelli gyalsabo inpin. Tebo yahude gyalkhaggi naŋŋa inpin, yaŋ Konchoggi chodkhaŋbo teru yodpin.

Ra

⁵⁹ **Rabeka**

(Rompa 9:10 ne 13) Rabeka ni Abrahammi butsha Isakgi nama inpin. Kho ni tugu tshagʻug Yakob taŋ Isau ama inpin. (Abraham, Isak, taŋ Isau gunni skorla Griiskanbo silla dzad)

⁶⁰ **Rahab**

(Ibripa 11:31; Yakob 2:25) Israelpagun Kenan yulli naŋŋa zhugsse saŋ sɲunla, khoŋgunni mi khacig ibste tegunla kazuggi pham kalnyancespo stala te nasse naŋŋa lamcugs. Te yulla dugkan zugstsoŋma Rahabbi te migun khoŋŋi ɗaoe kane vaste khoŋgunla rogs cos. Israelpe Konchog cigpo denbe Konchog yaŋ i nassaboeka khoŋgunla waŋsul cugces, Konchoggi thuggoŋs inkanbo khoa hagopa tebo cos. Stiŋne Israelpagunni tegunla phamkalte, Rahab taŋ khoe naŋtshaŋs mane zhan tshaŋma sads. Rahabbi Konchoggi migunla rogs cospa, kho taŋ khoe naŋtshaŋs gun thar. Madthe speche 1:5 naŋŋa Griiskanni bumobo kho, Yeshu mashike phamespo cig innog.

⁶¹ **Rom**

Rom ni, Itali yulli gyalsabo innog. Yeshui tusla Rommi jigstenni yul maŋpoeka waŋsulladpin, kaboe naŋŋa Israellaŋ inpin. Rommi gyalpoa kyesar zerranog. Kho tedusla jigstenni tshaŋmesaŋ khagcan gyalpo inpin.

La

⁶² **Livi**

(Ibripa 7:5,9,10; yoŋcescanni tussi luŋstan 7:7) Livi ni Yakobbi butsha rcugnyispoe naŋne cig inpin. Livi phorgyudbo Konchoggi chodkhaŋŋi naŋŋa las cocessi phia skoa dzadkangun innog. Inna phorgyud, migsalli Aronni phorgyudne lamagun ldamadpin (Aronni skorla Griiskanboa zigs).

Yeshu lobtug rcugnyissi naŋne ciggaŋ Livi zerradpin. Khoa parrika Madthaŋ zerradpin (Madtha 9:9; Markus 2:14; Luka 5:27 ne 29). Madthe gamoe nastshulbo khoe ɗiadzadte innog.

⁶³ **Luŋstonpa**

Luŋstonpazhiggi Konchoggi khoa sɲon cugga dzadkanni longun migunla shaddanog. Khoe Konchoggi tshabs coste, khoŋŋi molkangun shaddanog.

Sha

⁶⁴ **Shabbad**

Shabbad ni ɳaltshocessi zhagpo innog. Gozuggi speche naɳɳa Konchoggi zhag ɳug dzambuliɳ taɳ tenaɳɳa yodkan tshaɳma dzads. Yaɳ rdunpe zhagga ɳaltshoa dzads ciazerna khoɳɳi chaglasgun ɳub. Konchoggi migunla zhagma ɳug las coces yaɳ rdunpe zhagga ɳaltshote Konchogga colcesla mols.

Yahudapagun Konchoggi kane thalte soɳte te zhagga migunla snyiɳrje stancesi lasgunnaɳ co michog zerradpin. Teboephia khoɳgunla shabbaddi zhagga, Yeshui nadpabo phancugces yaɳ khoɳɳi lobɳuggunni zhiɳɳi snyema cadte zaa zane maɳaɳte ɳo yoɳs.

⁶⁵ **Shamuel**

(Chaglasgun 3:24, 13:20; ibripa 11:32) Israel yulli naɳɳa gyalpoe waɳ gozuggi saɳ cab sɳunla Shamuel ni Israelpagunni uskyoɳ taɳ maɳagpo luɳstonpazhig inpin. Khoe Dabidla Israelpagunni gyalpo skoa dzads, kabo ma miɳcan taɳgo gyalpozhiɳ inpin.

⁶⁶ **Shetan**

(Belzebulli skorla Griiskanboeka zigs).

Sa

⁶⁷ **Saddukipagun**

Saddukipagunni migunla Konchoggi Mozesla salkanni thims cigpoeka tatpa coces, innaɳ theba lugɳol taɳ thims ya zhalchad snyiɳpe Konchoggi molkanni ke spechagunla tatpa micoces labbadpin. Khoɳgunni phonya taɳ mi shite sountea laɳcespoe naɳɳa tatpa macospa, pharushipagun nyampo ziɳmo chadpin.

Samarriyapa

Samarriyapagun Yahudapa, Yahudapa mankangun nyampo nama cokangunni phorgyud inpin. Khoɳgunni Yahudapa tsogsla Yerushalemmi naɳɳa Konchogga colla medpin, teboephia Yahudapagunni khoɳgunla tshitu theste khoɳgun nyampo ɳel borra medpin.

⁶⁸ **Samson**

(Chaglasgun 3:24, 13:20, ibripa 11:32) Israelpe gyalpogunni Kenan yulli naɳɳa waɳɳul gozuggi saɳ sɳunla, Samson zerkanbo khoɳgunni uskyoɳgunni naɳne cigcig inpin. Zugspoe thogne kho halasshessi shedcan yodpin kabo khoa Konchoggi cinlabsshig inpin. Lan maɳpo khoe khoran cigpoe, Israelpagunni ɳaogun nyampo nols, yaɳ pham ɳaɳte kals.

⁶⁹ **Sosbu**

Zhanmazhiggi ʔugu ʔhims nanzhin ranʔi ʔugu coste khoa thobtan ʔshanma tanʔkanni ʔuguboa sosbu zerranog.

⁷⁰ **Sunnad**

Yahudape lugʔol nanzhin ʔugu butshagunla skyeste zhagma gyadpe zhagga, cucui kane pagspa chuʔunzhig cadte sunnad cogossadpin. Khoʔgunni tebo coadpin ciazerna Konchoggi Abrahamma tezug cocesla molla dzads. Tezug cocespo, khoʔgun Konchoggi mi inkan tan ʔhoʔi kagun kanyancessi khachadzhig inpin.

⁷¹ **Sara**

(Rompa 4:19, 9:9, ibripa 11:11, Pitar tanpo 3:20)(Abrahammi skorla Griiskanboeka zigs).

⁷² **Sinai**

Sinai ni te ribo zerranog karu Konchoggi Israelpagun nyampo chaddon coa dzadte, Mozesla kagya rcubo rdoeka Griiste salla dzads.

⁷³ **Solomon**

(Madtha 1:6,7, 6:29; 12:42; Luka 11:31; 12:27; chaglasgun 7:47) Solomon ni gyalpo Dabiddi butshacig inpin. Kho Israelpagunni gyalpo tagpozhi inpin. Konchoggi khoa migunnika wanʔsulcesla shesrabs tagpo salla dzads. Gyalpo ʔshanme nanne kho shesrabsanpo inpin. Konchoggi khoa Yerushalemmi nanʔa khoʔranʔi phia chodkhan ʔsigcessi goʔspa sals.

⁷⁴ **Skyabgon**

Yeshua skyabgonnan molla dzaddug ciazerna khoʔi mitshanmala khoranʔgunni sdigpe chadpe kane tharcesla lambo pheadzads. Sdigpa mane madzadkanni Yeshui khoʔgunni tshabsla, te chadpabo namste ʔoʔs. Teboe zhaste Yeshu mashike nanʔa tatpa cokan ʔshanmala Konchoggi shagspa sallanog.

⁷⁵ **Skutshabs**

(Madtha 10:1 ne 4; Markus 3:13 ne 19; Luka 6:12 ne 16) Yeshui khoʔ nyampo ʔanʔkan rcugnyispo khoʔranʔi skutshabsla ldamma dzads. Khoʔgunni Yeshu ʔadanʔi sdigpagunla shagspa thobcessi phia ʔoʔskanni gamoe nastshul shadin, khoʔ shikangunni ʔone sontea zhanʔkanboeʔ spanpo salladpin.

Ha

⁷⁶ **Hawa**

(Korinthipa 2 11:3; Timothi tanpo 2:13,14) Konchoggi tanpo mi Adammi kane Hawa coa dzads. Hawa ni, Adammi nama inpin. Shetanni Hawaa gobskorte

Konchoggi ka cagcugste zaa michog molkanni khazaspo zacugs. Tezug cocespoe khoe sdigpa cos, yaŋ tenna khazaspo khoe Adammaŋ zala taŋs. Tedusne pharla mitshaŋme sdigpa coin innog.

⁷⁷ **Harmes**

(Chaglasgun 14:12) Harmes ni Griispagunni colkanni Konchogshig inpin. Kho zhanma Konchoggunni lonkhyerkanbo inpin.

⁷⁸ **Hagar**

(Galatiya 4:21 ne 31) Hagar ni Abrahammi nama, sare khaŋpe naŋŋa tsheyog bumozhig inpin. Sare zerkan naŋzhin, Abrahamma Hagar nyampo butsha ishmael zerkanzhig yodpin. Ishmael ni, Konchoggi Abrahamma zhalchad dzadkanni butshabo manpin. Stiŋne Sara butshazhig jor, kabo Konchoggi Abrahamma zhalchad dzadkanbo inpin.

Lo khaciggi stiŋne sare Hagar te yulne biŋste taŋspa, Hagar Sinai ri dunla yodse nassagunni naŋŋa mitshe phuds.

⁷⁹ **Heroda**

Zhalchad some naŋŋa Heroda zerkanni mi zhi yodte innog.

1. Heroda gyalpoa Heroda taŋpo zerradkyag. Khoe yahude yulli naŋŋa Yeshu ltams zane, waŋsulladpin. Khoe Yeshu tuŋu chuŋun yod zane sadcessi stsonduŋs cos. (Madtha 2:1 ne 22; Luka 1:5)

2. Heroda Antipassi Yeshui chosshadin stasgun stan zane, Galilli yulli naŋŋa waŋsulladpin. Khoe Herodas nyampo nama cos, yaŋ thussalkan Yohananni go cadcugste inpin. Yahudapagunni Yeshu khoe dunla thimscaddi phia khyoŋs. (Markus 6:14 ne 29; Luka 23:6 ne 12)

3. Gyalpo Heroda aripa taŋpoe Yeshu mashike naŋŋa tatpa cokanni gome chostshogspoa nags stans. Khoe Yohananni aco, Yakob sadte inpin. (Chaglasgun 12:1 ni 23)

4. Gyalpo Heroda aripa nyispa ni, Rommi kalonni Paulu Rommi gyalpoeka thimscaddi phia kalli saŋ sŋunla, khoŋŋi gyabgalla skyon kalkangunni skorla shadkanbo inpin. (Chaglasgun 25:13 ni 26:2, 26:19, 27 ne 32)

⁸⁰ **Hisob**

(Yohanani 19:29, ibripa 9:19) hisob ni lcaŋma chuŋunni rigsshig innog. Migun Konchoggi skundunla dampa cocessi phia lamagunni hisobbi yalgaa thagpoe naŋŋa cugste migunnika yoggadpin.

A

⁸¹ **Adam**

(Luka 3:38; Rompa 5:12 ne 15, Korinthipa 1 15:22, 45,46,47; Timothi taŋpo 2:13,14; Yuda 1:14) Konchoggi dzadkan mi taŋpo ni Adam inpin. Adam sa nyampo coa dzadnaŋ kho Konchog khoŋraŋ tsogs yodpin. Adammi nama Hawa inpin.

Adam taŋ Hawa nyiskoe Konchoggi ka khaa manyanna sdigpa cos. Teneparla migunni sdigpa coin yodte innog.

⁸² **Abraham**

Abraham ni Konchoggi khagcan mi, Yahudapagunni taŋpo phamespobo inpin. Abrahammi Konchoggi kanyante raŋŋi yul phaŋste khoŋŋi zhalchad naŋzhin kho taŋ khoe phorgyudgunla salla dzadcessi te soma yulboa skyods. Te yulboa dagsa Israel zerranog.

Abrahammi Konchogga tatpa coces taŋ kanyancespoe khoŋŋi Abraham nyampo chaddonzhig dzads, Konchoggi khoa cinlabs salte khoe phorgyudne ma tagpo Mirabszhig coa dzadin yaŋ khoŋgun ŋaltshocesla yulzhig salin. Mirabs tshaŋma kho gyudte cinlabs salin mols.

⁸³ **Abel**

(Madtha 23:35 Luka 11:51 ibripa 11:4, 12:24) Abel ni jigstenni mi taŋpo Adammi butsha, Kayinni no inpin. (Kayinni skorla Griiskanboa zigs).

⁸⁴ **Amen**

(Rompa 1:25, 9:5, Korinthipa 1 14:16; Korinthipa 2 1:20; yaŋ maŋpo) Yahudape skaddi naŋŋa amenni donbo ni, "Ibo ðubshig" ya "Ibo cuŋshig" taŋ "Ibo ðaŋpo innog" zerranog.

⁸⁵ **Aron**

(Luka 1:5; chaglasgun 7:40, ibripa 5:4, 7:11, 9:4) Aron ni Yakobbi butsha rcugnyispoe naŋne cig, Livi zerkanni phorgyud inpin. Aron Mozessi aco inpin. Khoŋ nyiska Israelpagun Ijibbi naŋŋa tsheyogga yodtus, skyeste inpin. Israelpagun Ijibbi tsheyogne phiŋcessi phia, Aronni Mozesla rogs cos. Aron ni lama chenmoa ldamkanni taŋpo mibo inpin. Konchoggi mols Israelpagunni phia lamagun Aronni gyudne yoŋgos.

⁸⁶ **Ijib**

Ijib ni, Israelli khyimtsnessi yulzhig innog. Israelpagun Ijibbi nan̄a lo 400 tsheyogga luste inpin. (Chaglasgun 7:34 ne 38).

⁸⁷ **Ibripa**

Ibripagunla Yahudapan̄ zerranog. Khoᅅgun ni, Abrahammi phorgyud innog.

⁸⁸ **Israel**

Konchoggi Yakobba Israel miᅅ tagga dzads. Kho Isak taᅅ rabeke ᅅugu tshagᅅugboe nan̄e cigpo inpin. Israella butsha rcugnyis yodpin, kagun Israelli mirigs rcugnyispoe phamespogun inpin.

⁸⁹ **Israelli yul**

Israelli mirigs rcugnyis tshugste dugkanni yulboa Israel zerranog, kaboa sᅅunla Kenan zerradpin. I yulboa palestennaᅅ zerradpin.

Tsoo Yeshui tusla, Israel Rommi waᅅᅅulli yogga yodpin, Rommi gyalpoe Israel gyalkhag summi nan̄a gos. Tegun Galilli, Samarriya taᅅ Yahuda inpin. Tsoo Yeshu Galilli in pasaᅅ khoᅅᅅa Galillipa zerradpin.

⁹⁰ **Isau**

(Rompa 9:10 ne 13, ibripa 11:20, 12:16,17) Abrahammi butshaa Isakga butshaa tshagᅅug Yakob taᅅ Isau gun yodpin. Isau zhagcig stogste yod zane khoe khoran̄ᅅi goma skyeskanni butshe thobtaᅅbo Yakobba tsoᅅs, tshendar ciggi phia khoe thobcescanni cinlabsgun Yakobba taᅅcesla khachams. Konchoggi ldamma dzadkanni migun Isau man̄pa Yakobbi phorgyudgun innog.

⁹¹ **Isak**

(Chaglasgun 7:8, Rompa 9:7, ibripa 11:9) Isak ni Abraham taᅅ Sara Konchoggi zhalchad dzadkanni butsha inpin. Zhalchaddi stiᅅne khoᅅgun te butshabo jorcesla lo nyishu ᅅuᅅste dugs.

⁹² **Eliya**

(Markus 9:4; Rompa 11:2 ne 5, Yakob 5:17) Eliya Konchoggi tagpo luᅅstonpazhig inpin. Khoᅅᅅi Israelli nan̄a ᅅan̄pa gyalpo taᅅ skunᅅaa colkan tshaᅅmala ma hampa nyampo khaskyea dzads. Yahudapa maᅅpoe khoᅅ Mashika skyodcessi tussi phia migun ᅅaldᅅig cocesla logste skyoddanog sammadpin. Yohanan ᅅussalkan ni, chaglasgun maᅅpoe nan̄a Eliya taᅅtsogs yodpin.

⁹³ **Elisha**

(Luka 4:27) (Naamanni skorla Griiskanbo zigs).